



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

VI. Maii. S. Ioannes Damascenvs.

urn:nbn:de:hbz:466:1-38356

S IOANNES DAMASCENVS natione, nobilibus parentibus ortus, doctissimus ipse quidem, & Romanam fidem ab incunabulis ab Italo homine Cosmâ nomine, probè institutus, pro imaginum cultu egregiè pugnavit. Hic post parentis obitum à principe Sarraceno cum in aulam euocatus, & primarii Consilarii dignitate, quamvis recusans, ornatus, cum audiret, quæ Leo Imperator tyrannicè & impiè aduersus imagines, & imaginum veneratores patret, Zelo pietatis incensus plures epistolas euulgauit, quibus eruditissimè imaginum cultum comprobauit. At impius Imperator his exacerbatus, animum conuertit, vt eum perderet, confictis literis proditionis, eius ementito caractere, ad principem Sarracenorum missis, à quo IOANNES manu truncari mandatur, in foro que suspendi, quam ipsam precibus impetratam dexteram intercessione B. MARIÆ Virginis obrinuit, brachio restitui. Quod cum Sarracenorum Princeps cognouisset, rei admiratione commotus, eum, vt innocentem muneri suo Consilarii reddi curat; at ille altiora meditans, gratis actis, facultatibusq; in cognatos, seruos, & egentes distributis, Ierosolymam orationis causâ profectus, ad diuini Sabæ lauram se contulit, ibiq; cum Cosmâ sodali monachum induit. & in religiosis exercitiis, ac virtutibus, præsertim, obedientiâ ac humilitate mirificè claruit. De ipsius autem eruditione, quid longam orationem comparare attinet, cum & quantus Philosophus fuerit, & quantâ Theologiæ laude excelluerit, & quàm studiosè in Auctorum, qui ante ipsum floruerunt, lectione versatus sit, abundè ipsius scripta testentur? Illud quidem negari non potest, eum primum extitisse, qui ea, quæ prius fusè ac liberè disputari solebant, in vnum corpus coegerit, remq; Theologicam via & oratione, longèq; commodiori ordine tradiderit. Hoc enim ipse apud Græcos primus præstitit, quod multò post apud Latinos Petrus Lombardus, cæteri; Scholastici. Floruit circa A. D. DCCXL.

Ex Suriô & Baronio.



S. IOANNES DAMASCENVS E.D. ORDIN: S. BEN.
VIRGINIS auxilium IOANNES sedulus optans
Abseisam recipit VIRGINE dante marium.

Handwritten notes on the right edge of the page, including the word "Benedict" and Roman numerals "III" and "S".

AN.

JA 2

I 2

XVIII MAII